

### 3. Administración do Parlamento de Galicia

#### 3.2. Recursos humanos

#### **Resolución do procedemento para a provisión por concurso do posto AP109 de adxunto/a á Xefatura do Servizo de Tecnoloxías da Información do Parlamento de Galicia**

A Mesa do Parlamento, na súa sesión do día 1 de outubro de 2019, adoptou o seguinte acordo:

Por acordo da Mesa do Parlamento do 10 de xuño de 2019 convocouse concurso de méritos para a provisión do posto AP109 de adxunto/a á Xefatura do Servizo de Tecnoloxías da Información do Parlamento de Galicia.

A comisión de valoración, nomeada por resolución da Presidencia do 9 de setembro de 2019, na súa reunión do 23 de setembro de 2019, procedeu á valoración dos méritos do único aspirante ao posto, e á vista das puntuacións obtidas que se reflicten no cadro do anexo, de conformidade coa base sétima da convocatoria, acordou propoñerlle á Mesa do Parlamento a asignación do posto de traballo vacante AP109 de adxunto/a á Xefatura do Servizo de Tecnoloxías da Información do Parlamento de Galicia ao funcionario D. Ignacio Cid Gómez.

A Mesa, ao abeiro do disposto no artigo 28 do Estatuto de persoal do Parlamento de Galicia, adopta o seguinte ACORDO:

1º. Resolver o procedemento de provisión do posto de traballo de axunto/a á Xefatura do Servizo de Tecnoloxías da Información da Administración do Parlamento de Galicia (posto AP109 da relación de postos de traballo da Administración do Parlamento de Galicia) coa designación para o seu desempeño do funcionario de carreira da Administración do Parlamento de Galicia, pertencente ás escala de tecnoloxías da información do corpo superior, D. Ignacio Cid Gómez.

2º. Comunicarlle este acordo ao Servizo de Persoal e Réxime Interior para que proceda a realizar os trámites precisos para a súa execución.

Santiago de Compostela, 1 de outubro de 2019

Xosé Antón Sarmiento Méndez

Letrado oficial maior

